

Mbanjrog miz hajcib lai ranz, miz song bak lai boux vunz.

Mbanjndaw miz hajcib lai ranz, miz song bak lai boux vunz.

Mbanjrog seiqlengq dieg bingz, mak baenz haeux fag.

Mbajndaw seiqlengq dwg bya, faex hung ndoeng laep.

Mbanjrog liz goengloh cib lai goengleix, bingzseiz mbouj miz gijmaz saeh, vunz Mbanjrog gig noix bae Mbanjndaw.

Mbanjndaw liz Mbanjrog cib lai goengleix, mboujlwnh bae mbanj roxnaeuz bae haw, vunz Mbanjndaw au ginggvaq Mbanjrog guh roen, hix couh dwg naeuz, vunz Mbanjndaw naemj daj ndaw mbanj bae daengz bien goengloh, cawz le lai byaij cib lai goengleix roen daengz Mbanjrog le, lij au caeuq vunz Mbanjrog doengz byaij cib lai goengleix roen.

Diuz roen neix dwg roen naemh, daj ciuhgeq roengzdaeuj couh yienghneix, gvangq mbouj daengz sam cik, ngoenz ndit naemhfoenx rim mbwn, ngoenz fwn namhboengz rim ga, song aen mbanj seiq bak lai vunz ngoenzngoenz baebae dauqdauq, mbouj miz saek boux mbouj nam ga roen neix hoj byaij.

Mbanjrog gietdingh heuh vunz mbanj gien ngaenz caep roen moq, dawz duenh roen yiet bae coh goengloh neix caep baenz roen suiyniz.

Mbanjndaw hix gietdingh heuh vunz mbanj gien ngaenz caep roen moq, dawz duenh roen yiet bae coh Mbanjrog neix caep baenz roen suiyniz.

Vunz Mbanjrog doxyaeng naeuz: Mbanjndaw hix caeuq raeuz doengz baij duenh roen neix, gyoengqde hix wnggai caeuq raeuz ok ngaenz.

Vunz Mbanjrog couh baij boux goengdaeuz ndawmbanj ndeu bae daengz Mbanjndaw, naeuz yienghneix yienghneix.

Vunz Mbanjndaw doxyaeng naeuz: Mbanj raeuz gaenq lai guh cib lai goengleix roen, mbouj wnggai caiq caeuq Mbanjrog ok ngaenz caep roen lo.

Goengzdaeuz Mbanjndaw couh daengz Mbanjrog daeuj, naeuz yienghneix yienghneix.

Haihong caep roen moq lo,



Mbanjrog daj bien goengloh coh ndaw mbanj guh daeuj, Mbanjndaw daj ndaw mbanj coh Mbanjrog guh bae, gwnz song duenh roen neix ngoenzngoenz nauhyied lumj ngoenzhaw.

Goj gangj daengz gizneix, raeuz caiq heij goj wnq.

Baihlaeng Mbanjndaw miz aen mboqraemx ndeu, aenmboq seiqhenz faex hung mwncupcup, gaeugeq doxsan lumj muengx, raemx daj

gemhdat lae okdaeuj, saw dikdik, doeng raeuj hah liengz, bi seiq geiq lae mbouj duenh. Vunz Mbanjndaw daj ciuhgeq roengzdaeuj couh dwg gwn yungh gij raemx aen mboq neix.

Ngoenz ndeu, Mbanjndaw daeuj le seiq haj boux hek, bouboux raek gingqda, gyoengqde daengz bien moq, daek au song bingz raemx couh dauqbae lo.

Vunz Mbanjndaw mbwn rongh

bae guhhong, haemh laep haeuj rug ninz, mbouj miz boublawz dajleix gij vunz haeuj ok neix, hix mbouj miz boublawz rox gij vunz neix haeuj mbanj daeuj guh gijmaz.

Vunz Mbanjndaw fangzhwnz hix naemj mbouj daengz, gyoengqde yaek fat daihcaiz lo, gyoengq hek haeuj mbanj daeuj haenx, dwg naemj youq Mbanjndaw guh aen gunghcangj ndeu, au gij raemx aenmboq Mbanjndaw guh baenz raemxbingz dawz bae gai.

Gienh saeh neix yaepyet couh riuz doh Mbanjndaw lo. Miz vunz ndawmbanj naeuz, raemx dwg raemx raeuz, baenzlawz hawj vunz au bae guh seng'eiq lau ngaenz canh ni? Miz mbanj naeuz: Mbouj hawj raeuz cib lai ngeih cib fanh maenz ngaenz, mbouj hawj daeuj au gij raemx raeuz.

Gvaq le geij ngoenz, geij boux hek haenx youh daeuj daengz Mbanjndaw, gyoengqde caeuq gij vunzgeq ndaw mbanj caeuq geij boux daeuz Mbanjndaw doxyaeng naeuz: "Seizneix gij raemx baenz bingz gwnz haw baij gai haenx, baenzlawz gangj hix mbouj beij gij raemx aenmboq raeuz ndei, danghnaeuz raeuz guh aen gunghcangj caux raemxbingz dawz okbae gai, seng'eiq itdingh mbouj loek."

(caengz sat)

Song Hoih Hai Ndaej Ndei

两会开得好

□ Suh Dasingh /苏大星

Rap naek dawz gwnz mbaq
Vaij haeuj raemxlaeg la
Vad baenaj couh gvangq

Fanjfuj au haenqrengz
Hwnj geng mbouj lau naiq
Gwnzroen roeb vunzvaih
Bik de haiz saehloeng

Ginghci au fazcanj
Singz mbanj coh siujganh
Guekgya au fouqgiengz
Yinzminz siengi fatfouq

Yw bingh au yihbauj
Ciengx laux gyaез boubgeq
Ciuqgoq gyoengq bohme
Minzswnghej au vaiq

Seiqhenz raeuz au hen
Giekdaejen sien cuk maenh
Bo heu raemx saw haenx
Gwndaenjen hwnj mbaek sang

Song hoih hai ndaejen ndei
Veiji miz cwngzgoj
Ceih guek banhfap doh
Roensoh bae ndaejen nyaemz

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangisij Ciaz Siengzcouh Liuz Giagliuj Ciaz Siengzzen boiz

Veiz Gozcingh baez daengz Gvangjcouh, cix raen goengsoujjangj Cangh Yinzyi daemh diuz dwngh ndeu caeuq mbanj dungzci Gvangjcouh Ginhgih youq ciengzfeihgih caj de lo. Veiz Gozcingh baez roengz feihgih, cix byaij coh Goengcangh, dongx de gonq. Goengcangh riunyum dwk caeuq Veiz Gozcingh gangj: "Gozcingh dungzci, mwngz souhhoj lo!" Veiz Gozcingh naeuz: "Goengcangh, gijhaenx mbouj suenq saeh maz! Mwngz yaek re ndei ndangdaejen bw!" Goengcangh youh daegbied daengq boux bingre Veiz Gozcingh naeuz: "Daegdwngh, mwngz au baujhoh ndei de, de dwg boux vunz miz goenglauz ndeu! Dwg dou gaxgonq daiq de okdaeuj, seizneix youh ndaejen doxraen dem, gou angq lai!"

Gij goengdaeuz Gvangjcouh Ginhgih yiengq Veiz Gozcingh cienjnaeuz le cunghyangh gvendaengz yaek youq Guengjsae guh cienzmienh

bingguenjen, youz Veiz Gozcingh guh boux cujyin hoihbginguenjen gij eiqdoh neix, caemh naeuz Gvangjcouh yaek baij vunz bae Namzningz, caeuq Guengjsae Ginhgih doxcaez guh gij hong cujciz vunzlai caeuq boubdaeuz diegfuegh haenx, dingjrengz de oknaj.

Boux fucwng' veij Gvangjcouh Ginhgih Cinz Hungzfaz daeuj daengz Namzningz guh hong, mbanj cujciz vunzlai caeuq dingzlai goengdaeuz cunj dingjrengz Veiz Gozcingh oknaj, hoeng caemh miz di cujciz

vunzlai ndeu genhciz dub laemx Veiz Gozcingh. Cunghyangh doeklaeng cix vut gij dajsuenq cienzmienh bingguenjen Guengjsae haenx bae lo.

Veiz Gozcingh youq Gvangjcouh ndaejen mboengq ndeu le, cix ciepen ndaejen aen doengcei cunghyangh, heuh de bae Baekging camgya hoih ginhveij gozda veiji. Seizhaenx de giem guh boux cwngh' veij daeuzit Gvangjcouh Ginhgih, budui cix soengq geu buhbging gvaqdaeuj hawj de.

De dauqcungz ndaejen daenjen buhbging, daj Gvangjcouh bae daengz

Baekging, camgya aenhoih cunghyangh ginhveij gozda veiji neix.

Hai hoih sat le, Couh Cungiij anbaiz Veiz Gozcingh youq Ginhgsih Binhgvanej, caemhcaiq baujhoh de.

Ndwen 4 ngoenz 19, youq boux gicej Cuijsaeq Vwnzgwz Cunghyangh baij bae Guengjsae ndeu yukyon lajde, Swcigih Dangjveij miz sam boux goengdaeuz fatbiuj singmingz, goenghai dingjrengz mbanjen cujciz vunzlai caeuq hungzveibingh cauhanfanj.

(caengz sat)